

Que sexa agradecido, Señor.

Querido Xesús:
Quero ir pola vida dando grazas
a tantas persoas que me axudan,
corríxenme e loitan por min.
Grazas a ti tamén
por regalarme a vida, a familia,
a saúde, o tesouro da fe
e todas as cousas que teño.
Ti bendicíchesme cos teus dons
e séguelo facendo cada día:
xenerosamente, con amor, porque ti es así.
Fai da miña vida un canto de acción de grazas,
que o meu gozo sexa loarte e cantar os teus dons.
Que sexa capaz de acoller con cariño
as limitacións e a miña propia vida tal como é,
e as vidas dos meus irmáns
tal como ti queres que sexan.
Que sexa agradecido, Señor, contigo
e cos meus irmáns aos que tanto debo.

Gracias



Evanxeo
19-outubro-2022
28º-ORDINARIO-C



Ordinario 28º-C

2º LIBRO DOS REIS 5, 14-17:

Volveu Naamán ao home de Deus e loou o Señor

Naqueles días, o sirio Naamán baixou e bañouse no Xordán sete veces, conforme á palabra de Eliseo, o home de Deus. E a súa carne volveu ser como a dun neno pequeno: quedou limpo do seu lepra.

Naamán e toda a súa comitiva regresaron ao lugar onde se atopaba o home de Deus. Ao chegar, detívose ante el exclamando: «**Agora coñezo que non hai en toda a terra outro Deus que o de Israel. Recibe, pois, un presente do teu servo**». Pero Eliseo respondeu: «**Vive o Señor ante quen sirvo, que non hei de aceptar nada**». E insistíulle en que aceptase, pero el rexeitou. Naamán dixo entón: «**Que polo menos lle dean ao teu servo terra do país, a carga dun par de mulos, porque o teu servidor non ofrecerá xa holocausto nin sacrificio a outros deuses máis que ao Señor**». Palabra do Señor.

Sal 97. R. O Señor revela ás nacións a súa salvación.

II TIMOTEO 2, 8-13: Se perseveramos, tamén reinaremos con Cristo

LUCAS 17, 11-19: Non volveu máis que este estranxeiro para dar gloria a Deus?

Narrador: Unha vez, indo Xesús camiño de Xerusalén, pasaba entre Samaría e Galilea. Cando ía entrar nunha cidade, viñeron ao seu encontro dez homes leprosos, que se pararon de lonxe e a berros dicíanlle:

Leprosos: -«Xesús, mestre, ten compaixón de nós».

Narrador: Ao velos, díxolles:

Xesús: -«*Id presentarvos aos sacerdotes*».

Narrador: E sucedeu que, mentres ían de camiño, quedaron limpos. Un deles, **vendo que estaba curado, volveuse loando a Deus** a grandes berros e prostrouse aos pés de Xesús, rostro en terra, **dándolle grazas**. Este era un samaritano. Xesús, tomou a palabra e dixo:

Xesús: -«**Non quedaron limpos os dez?; os outros nove, onde están? Non houbo quen volveuse a dar gloria a Deus máis que este estranxeiro?**».

Narrador: E díxolle:

Xesús: -«*Levántate, vaite; a túa fe salvoute*

Palabra do Señor

(Narrador-Leprosos-Xesús).



QUEDA LIMPIO... E volve agradecido a Xesús que te perfumará coa súa salvación

1. VER: Dar as grazas

- Adoítamos dicir que hai que ser agradecidos cos que fan algo por nós: cos pais, os avós, os que nos axudan a facer algo, o panadeiro, o que nos fixo a roupa, o que nos sorri... Ao levantarnos xa estamos en débeda con medio mundo. “É de ben nados ser agradecidos”... ***Coñeces xente agradecida ou desagradecida? Ti como es?***

2. XULGAR: Dez leprosos encóntranse con Xesús

- No Evanxeo deste domingo, Xesús dinos: “**Dez leprosos viñeron ao seu encontro**” pedíndolle que os curase e dicíndolle: “**Xesús, mestre, ten compaixón de nós**”... “**Un deles, vendo que estaba curado, volveuse loando a Deus a grandes berros e prostrouse aos pés de Xesús, rostro en terra, dándolle grazas**”.

Lucas 17, 1-19, película: <http://youtu.be/oO1zrAHhGBk>

QUE NOS QUERE DICIR XESUS?

- Na época de Xesús había leprosos, persoas que non tiñan cura, con grandes dores, contaxiosos, non os deixaban entrar na casa, vivían medios espidos, famentos e abandonados. Como se sentirían?

- Pero estes dez leprosos acoden a Xesús e só lle piden compaixón, non que os curase. Xesús curounos inmediatamente e pediulles que se presenten ao sacerdote para que certificase que estaban sans e que puidesen facer vida normal.

- Que alegría sentirían ao verse curados, cantas persoas queren abrazar, cantas cousas queren facer... Pero SÓ A UN ocorrélle DAR Grazas a Xesús polo agasallo recibido. Non nos pasará o mesmo?

- Tamén nós hoxe andamos preocupados por mil problemas e podemos acabar como estes leprosos: tristes, sos, sen esperanza. Se cremos nel sabemos que con El recuperaremos a forza, a ilusión, a alegría de vivir... Podemos arrincar da nosa vida as lepras.

- E cando todo vai ben xa podemos pensar que foi a sorte ou a casualidade, esquecéndonos de que Deus puxo aí a súa man... Só un de cada dez recoñece que todo sucede por algo, que Deu realiza o seu labor en nós... E dálle grazas.

Que lepras hai na miña vida que debo de limpar e curar? Son agradecido?

[Gracias a la vida - 28 TO C \(quiever.org\)](http://quiever.org)

3. ACTUAR: Sé agradecido

- Dá grazas a todos. Canto cambiaría o mundo se mirásemos con corazón agradecido! Non habería menos conflitos, resentimentos, securas, distancias? - Busca momentos de encontro, de intimidade con Xesús e deixa que El te cambie. Sé agradecido por todo o que Xesús che deu. O que vive agradecido é unha persoa alegre. - Que a túa oración sexa non só petición senón tamén loanza, acción de grazas. A eucaristía é “acción de grazas”, fíxate na *pregaria “en verdade é xusto e necesario darche grazas”... “deuche grazas”*. Reza con actitude de admiración, con ollos de fe e corazón de neno, con gratitude. ***En que poderías mellorar? Que imos facer?***